

898
223



国立国会図書館 タイトル『蘭陵江氏著述攷1卷』 請求記号 898-223

ガラス使用

蘭陵江氏著述攷

唐節度使黃墩公三十三世孫吳縣江賡謹輯

吾族自宋元以來人文之盛甲於婺源歷世悠遠
中間又經離亂兵燹之餘先人著述存者什無一
二甚且舉其集名而子姓茫然往往不知爲何人
所作賡竊恥之宋莆田鄭氏曰古人編書皆記其
亾闕亾闕之書有所系故可以本所系而求賡以
爲今縱不爲求計亦何忍旣亾其書而并佚其名
哉不揆樸昧卽譜中誌傳所載及見於仁山龍田



膳部三公里賢書者晨搜暝寫彙爲書目詳註其名字科第官階并生平行誼之大概自有宋迄乎國朝名之日著述攷庶觀者瞭然於以知某書爲某公之粹不致貽數典忘祖之誚云爾道光己酉季夏之月

宋

伊洛問答

字季和諱立禮著譜載公好學篤行紹興中郡守洪适疏于朝召赴行在力辭放還

賜號清高處士賡按公嘗從藍田呂先生游得伊洛之學此書蓋卽其時所作

書屋集

季和公第三子字松仲諱致廣著賡按譜載公次子純博學多識世目爲書屋先生有文

集行于世又按龍田公里賢書云致廣有書

屋集二者未知孰是或父子同一集名耳

諫草

字明德號民齋諱澗身著按譜公生而穎異潛心好學景定甲子以流寓領浙漕舉登咸淳進

士第授廬州梁縣尉以廉明稱攝寶應主簿奏充瓜州鎮官命下而卒私諡事天先生公未第前嘗

伏闕上書諫三事指陳精切其畧見曹進士涇所撰墓誌中

古修遺稿

字天澤號古修諱霽著仁山公里賢書云公事天族子咸淳七年進土方虛谷稱爲

紫陽之後一人又譜載新安文獻志云登第後授蘭溪縣主簿性冲淡嗜酒晚自號陶陶翁賡按據里賢書公名當在第十五世查譜系十五世無名霽者惟德支十四世有雷名雷與霽雖古今字通用然世數不符存疑以俟再攷

深衣說

事天公子字天多號雲山諱心字著賡按曹進士涇所撰事天公墓誌云子心字能世其

898
223

學所著深衣說
博洽不減前人

社詩章旨 雲山公著賡按仁山公里
賢書公嘗著社詩章旨

草窗集 字節甫號草窗諱符著仁山公里賢書云公
仕宋為本州學賓宋亡屏居巖谷不應徵聘

作行路難以見志又龍田公里賢書云公所著有
草窗集賡按行路難樂府一篇見譜手澤門或即

集中
詩也

篤齋遺稿 字履善諱憲著仁山公里賢書云與卓軒
草窗並為沈毅齋門人學者稱篤齋先生

賡按譜系宋元之際無名憲
者據里賢書所載列草窗後

論語講義 字伯幾號雪疇諱愷著愷亦作凱古通用
仁山公里賢書云凱字伯幾卓軒冢子許

公山屋妻以女隱居沖陶山中以著述自娛號雪
疇逸人賡按譜系德支第十五世有名愷者為致

中公第三子與卓軒冢子句不協且致中譜亦不
載其號為卓軒也又月支西庫名愷者系十一世
名凱者系二十
一世疑皆非是

先天說 字順德諱濬著仁山公里賢書云順德有先
天說賡按里賢書以公為雪疇之弟查德支


譜系濬名列于第十一世與月支西庫十一世名
愷者其為兄弟固無可疑然愷之表字及配某氏
與里賢書所載又不符合
則亦不能執以為據也

元

蔡氏釋疑 雲山公子字
賢書公所交皆知名士其學務為躬行左

司直汪公仲魯嘗稱之著有蔡
氏釋疑門人私諡孝友先生

菊莊集 節甫公子字明叔諱茂昇著按譜傳公承家
學值宋鼎革時于陽田開別墅蒔菊閒居學



者稱菊莊先生元升婺源為州公以明經為學正
轉擢牧佐公曰洪範傳有言傳道則可仕則不可

堅謝弗就又龍田公里
賢書云茂昇有菊莊集

雲莊集

字和叔諱睦著龍田公里賢書云和叔有雲
莊集譜載公官憲府參議與族儒雪疋翁講

道口不絕吟詳
舊郡志江愷傳

明

書傳

字德餘諱慶同著子汝言補輯按譜公性敏嗜
學嘗刲臂療母疾年二十四卒妻汪氏撫孤子

成立即汝言也
汝言字美言

易通

美言公子字克俊諱思崇著按
龍田公里賢書云思崇有易通

易通補

字孟儀諱思禮著龍田公里賢書云思禮有
易通補按譜公讀書通百家言尤深于易時

人目為禮尖謂其精且利也以兄克俊
所著易通一書義尚未備作易通補

譜訓

字諱珍著公自序云珍愧薄劣無以表帥
宗人稍采經傳格言著于譜有志者覽而興焉

庶幾敕躬勵行之助云爾此訓載譜彛訓門署名
雲貴布政使珍錄下註第二十二世廣按譜系二

十二世無名珍為雲貴布政使者又按舜升公旭
奇譜引云江氏家譜惟方伯公珍能成其一支之

書中丞公一麟蓋有志而未逮焉據此則方伯
公一派別有支譜甚明全譜蓋未及纂入耳

松雲棲隱集


字諱永俊著松雲其自號也按譜
公居常撫松盤桓超然風塵之外所著

詩文盈卷題曰松雲棲隱族雅邑令
雪泉作序連州守古楓作跋語云

拙庵詩稿

字遠卿號拙庵諱永回著譜稱公安貧樂
道著作甚富尤長于詩廣按永回之回一

懷作



月波遺稿

字玉卿號月波諱永珽著賡按龍田公里賢書月波波字作坡

決齋詩文稿

字決齋諱陸著按譜公善詩文有六朝餘韻應泉岐東中臺諸公皆從公游

古泉文集

字源潔號古泉諱塘著賡按公為永熒公嗣子居喪三年不入私室以孝行旌

一峯文集

字東源號一峯諱淇著按譜本傳云公蜚聲庠序與唐公臯齊名有唐文江策之目

正德癸酉與唐並舉于鄉公甫宴就舍輒取筆作詩曰早寫家書付兩行青燈對卷倍傷神寸心不

似當年壯兩鬢殊驚近日銀報國未能酬素願起家何處覓通津胸中多少當為事分付兒曹汝九

人投筆而卒年四十有一著有一峯文集行于世

小學或問

字容之號東軒諱湖著按譜公博學好古舉歙南社學教讀所著有小學或問孝則

家藏于

孝則

東軒公著

虛山文集

字信之號虛山諱濤著賡按公為東軒公之弟譜稱習儒能詩

雙峯類稿

虛山公著按譜公又號雙峯

書傳

字有容諱良度著按譜公早入郡庠著有書傳尤精于易舜升公旭奇多祖其說

應泉文集

字子翊號應泉諱世卿著譜稱公生三月而孤家貧甚及長借書而讀領嘉靖壬子


鄉薦授萬載教諭擢宜賓令多循政著有毛詩講義四書講義并文集行于世賡按譜中所載仙橋

公七十壽序一首又傳文一首鄰湖公助渡田記一首及桐岡白泉陽谷鄰山怡靜同野諸公像贊

皆公所

毛詩講義

應泉公著賡按公蓋以詩領鄉薦



四書講義

應泉公著按譜公卒時年八十有一方講君子務本章端坐而逝

浮漚詩集

字世叔號周野諱大治著按譜公性孤介詩書畫三絕嘗從新原公宦游東粵集中

多登臨懷古之作
別有梅花詩百首

正學真言

字汝器號訥齋諱大訓著按譜公孝友篤摯得理學正脈覺山洪先生孝甫余先生

高其誼訂為莫逆交所著有正學真言
四民詩翼公平家訓等書以貽後人

四民詩翼

訥齋公著

公平家訓

訥齋公著

雲津遺詩

古泉公長子字子予號雲津諱大勳著按譜公習舉業長于詞賦院試為同儕計阻

公忿而喪明
士林惜之

桂山摭稿

字元衡號桂山諱銓著譜載給諫游公震得所撰墓表稱公生有異質力學務自得

不苟雷同著有桂山摭稿原學大學論正性學辨微朱子抄通等書賡按譜系公名列德支二十四世其字與號及所著書皆不載且溯查高曾祖考之名與墓表所載皆不合又膳部里賢書以桂山為仁山之伯兄按仁山公名元輔譜系亦列于二十四世則世數似無可疑然父祖之名何以悉不符合此大可疑者謹識數語以俟攷正

原學

桂山公著

大學論正

桂山公著

性學辨微

桂山公著

朱子抄通

桂山公著

議立里賢祠書

字仁山諱元輔著賡按膳部公起鵬里賢書公正德癸酉舉人丁丑進士

官戶部尚書郎此書蓋為諸生時所作書中徵文考獻先世清芬賴以流傳弗替公之功偉矣譜系于公之表字科第官階皆畧而不書殊不可解又按公為順庵公天與次子順庵公生于宏治十七年甲子至正德八年癸酉順庵公甫十齡而次子已登鄉榜則更不可解矣

古楓文集

字子敬號古楓諱軾著按譜公年十五入郡庠十九領鄉薦謁選得紹興通判築堰

禦海潮擢連州守值獾亂單騎抵其巢諭下之當道方敘功聞父疾即解組歸屢薦不起以詩文自娛居林下三十餘年著有古楓文集尚書會旨

尚書會旨

古楓公著

荆靈就道稿

字德明號荆靈諱時新著按譜公善詩歌與中臺應泉怡靜都村諸公結社所

著有荆靈就道稿二百餘篇斗南吳公作序其他著作尚數種皆行于世賡按譜所載恒惕軒輯語亦公所輯也

醫家裕後集

荆靈公著賡按公精岐黃之術嘗施藥于饒故又號市壺逸叟

算法詳明

荆靈公著

琴棊妙訣

荆靈公著

秋氏傳心

荆靈公著

雲庵詩集

字應乾號雲庵諱時靜著按譜公服賈養親遍歷燕趙楚粵之都所未到者惟滇貴

耳晚歲倦游日哦詩為樂積有雲庵詩集若干卷

慎終錄

雲庵公著按譜萬歷丁未十一月朔公早起櫛沐辰刻談笑而化年八十有四先著有慎



終錄公益自
知其將逝矣

復膳部里賢祠議

字德普號龍田諱文明著譜載公
萬歷癸酉解元初官浙之秀水教
諭推河南新鄉縣尹不就改濮州學正擢高州府
判廣按膳部公起鵬以仁山公所創里賢祠時已
就圯有重建之議故
公作此書以復之

易說

字仲文號新原諱一麟著按譜公以嘉靖癸丑
進士歷官至都御史戶部右侍郎總督漕務復
以治河功賜璽書紵蟒其政績具載婺源
名賢志所著有易說尚書約旨行于世

尚書約旨

新原公著

祠規

新原公著廣按公悉以俸資所入捐建永思祠
以崇宗祀此其規約也規共十二條首冠以明
太祖高皇帝聖諭
載譜中彝訓門

中臺漫草

古楓公子字伯健號中臺諱一鵬著譜載
嘉靖癸卯公以書經魁南畿歷官至廣東
臺郎擢僉憲著有中臺漫草文海等書行世廣按
公又號南溟官廣東時嘗與士夫游海珠寺即席
賦詩一韻百餘
首四座皆驚

文海

中臺公著

畱與堂集

字愛甫號同野諱一喜著譜載公邑庠生
邑令徐公重之旌其廬曰彥方表正著有
畱與堂集廣按春臺公懋忠
有如心軒賦蓋為公作也

獨醒集

字景仁號蓉東諱國邠著公少受學于古楓
公日誦千餘言為文思理斐然而不類帖括
語晚號獨醒居士有獨醒集暨唐詩彙選等書行
于世廣按公初名國賓以避仇故改名性至孝以
父好遠游築草堂奉父偃息招延故老彈琴賦詩
以相娛樂冬夜抱父足而寢父感其悃篤不復出



林閻及父卒廬墓三年致紫芝白
雀之異詳李太史維楨所撰傳中

尊朱語錄 蓉東公著按李太史傳云公為紫陽祠于
家廣求其遺書校讐展誦孜孜忘倦並輯

其微言大義為尊朱語錄道學正宗
兩書少司徒余公中字序而行之

道學正宗 蓉東公著

唐詩彙選 蓉東公編

堪輿四科 字德用號雲陽諱效才著按譜公游洛遇
異人授以青囊之學及六壬遁甲要訣公

遂精其術所著有堪
輿壬式等書四種

壬式直指 雲陽公著

遁甲樞要 雲陽公著

麻府叢辰 雲陽公著

韜中草 雲庵公子字用和號四勿諱效禮著按譜傳
公倜儻不羈初以精暢法律辟為京兆掾不

就中年喪偶不復娶與叔周野公結社日
事吟咏著有韜中草兄中臺公為之序

七才子詩註 四勿公著廣按公嘗游秣陵七才
子詩蓋即其時所註梓行于世

學語錄 字 號愛山諱廷臣著按譜公學有淵源
諸所述悉出心裁不蹈前人科日畢力攻

苦歐血以終著有
學語錄斷木記

斷木記 愛山公著

省躬誠 字 諱起鵬著誠凡十條日讀書日明理
日孝友日勤儉日睦族日安分日生理日慎

交日御下日重本皆五言句蓋公官膳部時作以
誠其子者廣按靜宇公傳中有膳部姪起鵬作詩



送之一語靜宇諱順性譜系列二十五世則膳部
為二十六世可知然反覆檢查譜系中無名起鵬
者何也此誠
見譜彙訓門

復議里賢祠書

膳部公著廣按公以仁山公元輔所
創中平里宗祠僅存故址議鼎新之
作書以貽族人譜載龍田公文明復膳部里賢祠
議即復此書也書中備述族之登科第者其末云
龍田發解于癸酉豹南接跡于己卯予不佞亦獲
雋于壬午第于乙未以上文癸酉己卯遞推之膳
部蓋萬歷十年舉人
二十三年進士也

續近思錄

膳部公著廣按龍田公文明復膳部里賢
祠議有獲觀續近思錄併理學詩諸刻知
仕優而學淵乎邃矣云云據此則公所著有續近
思錄一書無疑其官禮部精膳清吏司郎中時蓋
已梓行
于世矣

南游社草

蓉東公子字偉長一字子羽諱雲鵬著按
譜公九歲父授以李青蓮集即能詩與族
叔中臺公倡和結扶搖社以同名鵬故也年三十
一游金陵入南雍與進士鍾伯敬孝廉袁小修山
人柳陳父俞羨長同校
詩雋類函著南游社草

白水亭詩草

偉長公著按譜公于萬歷己酉入南雍
庚戌復游金陵黃門鄧元度招入冶城
大社李太史維禎適至為序白水亭
詩草付諸梓別有飲酒詩三十首

詩文著選集

字養靜諱忠興著按譜公天性孝友
以讀書養志為樂有詩文著選集
奕光錄 字季清號湛若諱應晨著公又名世昕由太
里賢書有通守姪應晨叙奕光錄之語公與龍田
公為祖孫行姪字下疑傳抄時漏去一孫字奕光
錄一書審其命名之
義殆亦述德之書乎

奕光錄

字季清號湛若諱應晨著公又名世昕由太
里賢書有通守姪應晨叙奕光錄之語公與龍田
公為祖孫行姪字下疑傳抄時漏去一孫字奕光
錄一書審其命名之
義殆亦述德之書乎



孝經疏義

中臺公孫字舜升諱旭奇著按譜本傳公幼孤母余氏口授孝經小學即能記誦不

遺一字有奇童之目年三十一始入郡庠益以表章聖學為已在七試棘闈不售北游成均以所著孝經疏義一書于駕臨太學時進呈並請勅下儒臣補成孝經大全命題取士時崇禎二年二月二十日也明日有旨嘉納仍下所奏于部因以孝經小學頒行試士著為令事載婺源學林志公以資格僅貳安岳尹不獲展其志海內惜之年七十卒生平著述宏富孝經疏義外書尚十數種俱為藝林推重

孝經翼

舜升公著

書經傳翼

舜升公著

小學疏義

舜升公著

朱翼

舜升公著賡按本傳云辛亥吳太守長谷延之嘉興著朱翼

續皇明通紀

舜升公著賡按以上書六種據譜本傳云已槩板行世

尚書蒙訓

舜升公著譜本傳云癸未著尚書蒙訓賡按公生于嘉靖四十三年甲子至萬歷癸

未公年甫二十耳

朱註詳定

舜升公著賡按譜本傳云丙戌著朱註詳定蓋亦少作也

檀弓疏義

舜升公著

漢魏春秋稿

舜升公著

七書註

舜升公著譜本傳云公從弟旭暉習武註七書授之賡按晁公武讀書志元豐中以太公

六韜孫子吳子司馬法黃石公三畧尉繚子李衛公對問頒行武學號曰七書

筆花齋集 舜升公著

永思祠長至祀事儀注 舜升公著 賡按此外更有永思祠圭田記一篇集成蕭江

全譜引一篇皆公所
所作今並載譜中

國朝

晨鐘錄 字馨遠號宛湘諱文瀾著公以長孫宗岳官
覃恩勉贈承德郎山東濟南府通判賡按

晨鐘錄蓋集先正格言而成
板燬于火子秉璋重架行世

花徑草堂贖稿 字連山號藝山諱宗岷著公性恬
靜嗜書工詩著有花徑草堂贖稿

紉蘭詞曲 字廷望號紉蘭諱大標著公自幼卽工韻
語尤擅長于詞曲所作傳奇雜劇今梨園

中猶有能
演之者

蘭陵山館吟稿 字印亭號芸閣諱大楣著公與賡先
大父 飲褒孝子環溪公為從兄弟

嘗往日本協採官銅著有
蘭陵山館吟稿藏于家

友竹山房遺稿 藝山公孫字樹東號筠儲諱嘉福著
公弱冠補長洲博士弟子員性嗜吟


咏詩名滿吳中嘉慶庚午以歲貢咨部候選儒學
訓導所著有友竹山房遺稿公既卒門人許君

為梓行于世道光己酉賡有修譜之舉採訪族
中遺集則是板已燬于火矣因為手校一過而重

付之
梓

福之遺草 賡從孫名保慶著從孫青年好學早卒其
父家璋選其所作試帖詩百首付刊師畢

潤為
之序





898
223

三才文苑


三才文苑

Blank manuscript page with vertical lines and faint ghosting of text from the reverse side.





五



国立国会図書館 タイトル『蘭陵江氏著述攷1卷』 請求記号 898-223

ガラス使用